

光緒睢甯縣志彙卷第八

學校志

儒學 學額 書籍 祭器 書院 義學 學田  
書院田 校場

國家培養人材首崇學校所以尊師而重道也然而鼓鐘  
具在難追泮水之休風鼎俎雖存未考辟雍之定制萃英  
才而開黌舍則學額懼其徒存也足膏火而築講堂則學  
田防其荒廢也睢邑教鄰鄒魯地界淮徐屬絃誦之方興  
欣規撫之具備講學明倫端特師儒之振拔焉作學校志  
儒學

學宮在縣治東南勑始於元知縣王榮祖其時規模粗備殿宇  
之制無可稽考大德甲辰經知縣苗鐸復建稍為整肅迄元

光緒睢甯縣志彙

卷八 學校志

末而毀於賊明初復加建修仍因舊地其載於舊志者曰洪

武以迄萬厯修補者九

洪武六年知縣葉見泰教諭林德乾復建宣德四年知縣衛鏞修景泰二

年知縣張汝教諭彭汝弼修正德二年知縣黃守謙更學門

於靈星門東九年知縣劉景沂修嘉靖三十五年知縣喬鎮

修萬厯七年知縣徐密修九年知縣申其學申

翼按院姚大觀觀察莫與齊助銀重修萬厯四十年徐州

知州高捷知

縣康應奎修惟知縣康應奎開拓增高頓改舊制

乾修學碑記睢甯脈孕於鳳阿淮水抱之蜿蜒而北旁通崑

流其水澄滌可鑑鬚眉以故雲蒸霞變之士遠道而相尚

余所親聞如高公瑄之裁抑權璫胡公甯之八月

道傳之三世辭榮雖曰天性亦由地脈焉年來上氣頗不及

格先輩典型邈乎遠矣說者以泮宮之興廢卜人材之盛衰

外荒草芊芊無復拔木築宮遺意惟時邑侯申雲公加意

修葺葺宗生色逾數歲余遂叨第余籍漢中名文元者亦領

鄉薦與余同年因蟻徒而駭屏翳之將作或不遇通者河

伯不戒洪流作梗萬濤爭馳首被吾邑公庭臚舟先師廟貌

宛在水中央一切廡舍周垣頽毀欲盡幾不成洙泗威儀矣  
寸拔自泥淖躋於崇備非千金無以卒厥事主者難之邑庚  
侯茲土之三日環顧愀然曰興教化育英髦有司首務也今  
若此敢辭不敏會郡侯高公觀風至嗟莫移時兩公志合遂  
各捐俸若干首倡斯事紳庶共之家亦聞風樂輸隨意多  
寡籍於簿移語兩學博遴於多士中命胡生效恆輩董若役  
先其鉅且急者明倫堂聖殿戟門因舊址增高丈餘宏敞  
壯麗大逾昔時東南隅奠城為樓額門大魁飛棟插漢俯窺  
千室鎮以文昌環抱以牆堦然邑內一奇觀也工既竣千里  
而問記於余冀有所以醮多士者余與多士陶鑄於宮牆舊  
矣誼不得以固陋辭竊惟今之章縫而游者非學孔子之學  
者耶孔子曰吾十有五而志於學然未嘗明言所學何事亦  
未嘗明言立不惑耳順為何事第曰知天命不踰矩耳學庸  
語孟立於學宮為多士之羔雁余童而習之者有年孤落黌  
序間僥一第之倖此時已三十有二矣試叩以志學宗旨不  
啻嚼蠟說夢也是尼父十五時所早證而吾儕三十四十所  
未聞也可不哀耶大學首簡明德言大學之道而欲明明德  
於天下者莫先於致知在格物焉故格物二字是大學之竅  
會而中庸語孟之啓鑰也慎獨慎此也時習習此也集義集  
此也其工夫在現前其幾希通帝命其至當不易處即心即

光緒睢甯縣志

卷八

學校志

矩其宏發願力處即志即學我多士以求之格物而足矣世  
儒多疑致良知為涉於虛也抑將以格物為虛乎康侯深於  
學者喜其有當於志也命紀其事是役也經始於丁巳寅月  
而棟隆之日即年首夏也侯直以精神提攝其上無頭會  
箕斂之擾成子來不日之功可謂弄丸手矣其廡舍周垣工  
費尚缺願輸未輸者以歲時不登稍稍停役會學博丁君有  
望至與司訓彭君尚綱勉諸生以大義復各捐貲終事多藉  
其督糾力云學之東北以新填藏書樓基址西以古井為界  
南抵城頭西抵城隍廟東抵新濬河河以東有古巷巷之東  
則近城居民也郡守高公諱捷濬川人今濬淮徐道副使邑  
康侯諱應奎夏津人王君子鑿劉君子仁為多士師丁君彭  
公其繼也督役則胡生效恆胡生一桂張生世德張生民範  
例得不十數年而歷崇禎始毀於兵復毀於水廟制傾頽殆  
盡矣

國初邑令殷岳變賣黃山社學田將學宮仍舊建立而順治八  
年倡捐踵修者知縣魏翰也康熙元年陸續增修者知縣馮

應騏石之政教諭孫大經也康熙三年內國史院編修郡人

有學校所以尊聖教而重人文也真儒輩出歷千萬世不可

磨滅者莫不自學宮始然而盛衰有時廢興由人能於城闕

茂草之日一旦百廢具舉煥然聿新則所為極難而功尤甚

鉅也唯學自明季以來圯於水燹於兵苾茲土者問或草創

修葺率苦於力之弗繼而止辛丑秋雲間孫典常先生以道

德名儒文章碩彥辭百里之封秉鐸於唯固先聖有靈默作

之合亦唯學衰極而盛廢久當興之一會也既而環顧宮牆

慨然以興修為己任白邑侯劉公通詳各憲計值論工會時

事告絕公私交乏議者難之先生曰人各私其財天下事誰

為開其先者盡捐囊縑二百餘金以為基始嗣是遂左馮公

至與先生相得益懽甫下車首以修建為言遂欣然捐俸相

與助理唯之紳士亦復慕義樂輸稍有成緒先生復出二百

金日人各竭其財天下事誰為繼其後者吾比年以來首盤

疏食銖積積養廉之資尚存如許顧何靳而不以庀厥材使吾

躬親雖滄暑侵肌凍風砭骨先生方視事不輟塵沙滿面怡

如也未嘗分勞一人委任一役歷三年告厥成功余備員瑯

華予告南旋茲歲之夏偶過唯邑瞻三年告厥成功余備員瑯

光緒唯甯縣志彙

卷八

學校志

龍翔而鳳舞者殿廡之巍煥也直如引繩軒若飛翬者靈星

門儒學正門義路禮門之整飭也大成殿後為明倫堂堂之

兩翼端聳分別如正笏垂紳令人肅然起敬者左啓聖祠而

右敬一亭也其宏敞深邃曾殖殖別一洞天者則齋房與

衙舍也其翹然杰出峙東壁之文峰者魁樓也至於跨津池

而駕雉堞如彩虹之飲長川應龍之升天衢者則青雲亭也

城之上亭翼然拂雲表而蔚龍光者則青雲亭也橋之畔

隨陸參差屏列水湄間如碧幢紅旆者則宮牆之桃李也奕

奕乎規樞大備而唯學數十年之頽廢儼然為淮北巨觀非

先生堅乃心殫乃力始終有成曷克臻此固所為極難而功

尤甚鉅者乎先生為雲間名下士余同譜中稱莫逆交當年

共事成均三年風雨如一日後考上等授邑令稱莫逆交當年

就清署高致已越人遠矣課士之餘復存心經濟凡生民利

害政事得失莫不侃侃於當道為唯人請命他日自當為時

霖雨而今日之修學校建宮牆為聖賢綿俎豆為國家助

文教為蘭陵培風氣茲特先生之一斑而唯之食報於先生

宵有極乎甲辰孟夏大工落成紳衿咸率先生暨馮侯之長

生位於奎樓之第二層戶之祝之衰功德也羣來問記於余

余不敏敢藉是以誌邑侯馮公諱之政應騏遼東人學博孫公諱

大經上海人碑成甘泉石公諱之政繼至凡學中闕略未備

者賴公捐貲補  
葺例應並紀  
康熙三十五年謝乃實倡捐未果因其捐簿

催繳增捐補缺大加修葺煥然而一新者知縣章之瑤教諭

李燦瑞訓導余惠也  
康熙三十八年中允山陽吳晟重修睢

學宮崇聖道光文治聲教訖四海矣乙亥秋郡庠落成睢人

士過而樂之既而咨嗟太息謂余曰吾邑於淮屬最凋敝歲

且薦饑上下交困雖屢奉 綸音而學宮之傾圮日甚殿廡

不蔽風雨垣墉不界內外一望荆榛瓦礫慘如也士子不過

上丁一至其地效詩說禮之風邈乎不可追矣何睢邑之不

幸而獨自外於古文之世其天也耶其人也耶越明年丙子

冬十月學博盱眙蕭叔李君來鐸於茲初以衙署印墟假居

城外之僧舍而宮牆可知也時邑侯謝公勸募所得三百金

有奇以止修大殿明倫堂業已告匱而丹雘之事闕焉未備未

幾以千計先建衙署為棲身計而堂而室而書舍而廂屋而

次以千計先建衙署為棲身計而堂而室而書舍而廂屋而

廚而羣房共四十餘間匪急其私謂居此乃可肆力於修葺

矣 聖殿舊制樸略非所以妥侑神明也若檐阿若棟宇若

椽桷若楹柱若墻垣塗之以丹雘沃之以油漆其光離離然明

倫堂亦因其制而增飾之粉者丹者繪者黑者煌煌乎與大

殿前後相輝映焉次兩廡次靈星門次戟門石坊次啓聖祠

次敬一亭尊經閣此皆毀舊制而更新之昔若泮宮牌樓名

光緒睢甯縣志彙

卷八

學校志

得以更新蕭叔之功豈偶然哉是不可以不記李君  
諱嶸瑞字蕭叔號率夫丙寅選拔鳳陽府盱眙縣人  
康熙五十七年捐貲改建始立照牆者知縣劉如晏教諭費廷宣也

乾隆二年因其廢墜擇要修葺者知縣余家夤教諭吳遇進  
訓導郭梅修也自乾隆三十年殿廡漸壞先師神位移設

明倫堂黌宮重地幾至廢為邱墟自五十四年官紳捐助次  
第興修渙者合陋者新缺者備復觀尊嚴者則知縣沈世塏

陳朝汲劉炳教諭吳逢春屈文基訓導王史程鼎也嘉慶六年

學宮邑人陳仙源碑記文廟創自元時其先傾頹俱縣興學  
募修紳士監工碑銘可考乾隆三十年後大殿兩廡諸祠漸  
次頹廢至聖牌位供在明倫堂亦就傾頹縣尊沈尊捐六  
百一十金旋因去任遂停黌宮重地廢為荒墟見者傷之五  
十四年縣尊陳到任公請捐修卒未果瑛兩學師雖發出捐  
簿二百餘本而工程浩大猝難興辦咸懷觀望捐者寥寥及

光緒睢甯縣志彙

卷八

學校志

五

五十七年劉父台署任遂擇於八月十五日興工定計先修  
明倫堂暫安聖位其餘以次修葺賴縣兩學師同赴李家  
集賒買大木嚴飭門斗諭單催捐請生見事可成陸續繳錢  
五百餘千遂修明倫堂五間東西兩廡二十二間戟門五間  
時陳父台入闈迨回任日始將沈邑尊捐存六百金發出續  
還木料等項五十八年春錢又告罄時屆縣試文武生童遵  
縣尊學師之諭又募捐七百餘金及秋而大殿落成於是恭  
建神龕迎安聖位並將屋宇四十二間加以油漆圍以牆  
垣培築院地比舊加高又辦漢文祭棹六張柏木牙櫓八條  
槐木燈掛椅八張捐項又空其未經修理者尚有文昌魁星  
名宦土地等祠而門樓泮池月台甬道亦多未備嘉慶元年  
縣試黜兩學師復募捐生童錢三百五十千遂將文昌名宦  
門樓修建齊整計自呈請以來工匠材料等費捐錢二千二  
百金例當勒碑以垂久遠惟冀夫後之人整頓學校歲修勿  
替云

道光五年同力捐修者知縣金更生學師狄鴻翔也官紳

儒學門右 道光二十三年修補增葺者教諭金南金訓導

魯常也 道光二十三年重修學宮碑記睢邑學宮自道光五  
年重修後風雨剝蝕漸多傾圮醜二師尊意欲一體

修葺奈工程浩大一時猝辦難周商請闔邑紳士先修東偏今春三月定議二師尊首先捐金並諭門斗輸捐得三百七十八千零四月十八日開工至六月二十日工竣除忠義祠係全朱李三姓合修外計修五王殿東西兩配文昌宮孝子節烈等祠文昌宮添墀牆一道門樓一座周圍牆宇修砌加高又裝修文昌神像增設神龕綾帳門柱匾油漆一新邑人金銘文同治十年庀材營葺丹雘藻繪復昭美備者知縣劉

仟教諭尹高佑訓導曹煜也同治十一年廩生王佩珂碑記

水燹於兵國初變學田以建康熙三十年疊經水患傾圮殆盡五十七年邑侯翺公重修迨乾隆五十年疊經水患傾圮殆盡十有二年而工始竣道光五年艱饑公繼修於後越公先後修葺益增舊制嗣因兵荒漸就頽廢幾無一處完整己巳夏東陽尹公以通儒碩彥秉鐸於茲瞻謁殿宇慨然以修葺為己任謀未定而邑侯涿州劉公適臨下車伊始相得益彰遂欣然有同志庚午春議欲興工因用項未集又兼南闈僅修魁樓一座辛未春邑侯劉公學師靜公進諸生於庭命之曰邑之有學所以崇先師而培士氣也人各盡其力

光緒睢甯縣志

卷八

學校志

六

事無難人各輕其財功自易於是各捐廉俸為之倡首邑紳候選知縣王義晉以大成殿自任衛守備銜袁俊亦勉任崇聖祠及文昌宮諸生各踴躍書捐共得錢一千二百餘緡由董等經手自五月十三日開工迄十月終告竣東西兩廡明倫堂名宦祠鄉賢祠忠義祠孝子祠節烈祠福神祠師範祠大成門靈星門崇聖祠大門龔門義路禮門以及前後學署皆煥然聿新較舊制大為壯麗並添設省牲廄割所往時有鐘無鼓因又增置工未竣古棠葉公來署司訓亦襄厥事焉所有支用各款無不功歸實際並捐戶數目勒石以昭信守尤望後人歲舉時修永垂勿替云爾迄今又十有餘年矣風霜剝蝕漸即凋零歲修之款不存募捐之舉匪易鞠為茂草可不豫為防哉

今制

大成殿五楹龍脊魚尾飛檐發角中覆黃瓦崇臺四周臺高二尺八寸列楹二十有四其前為月臺廣五尋六尺袤二尋六

尺階級五重四出旁達周以石楹面為甬道左為祭器庫右為振衣廳左為東廡右為西廡各八楹

大成門五楹朱髹崇階中左右三門出入均由左扉

名宦祠在大成門左夾室

祀提督學政胡高望南河總督蘭第錫兩淮鹽運使余德淵知縣明何皞陳嘉略申其學高岐鳳 國朝殷岳石之政劉如晏高丙謀 教諭李嶸瑞

鄉賢祠在大成門右夾室

祀明高瑄湯思恭王應乾 國朝李枝翹

靈星門居其南中左右三門環以花牆

靈星門外東磚門為禮門西磚門為義路迎面排立石柱環以

光緒睢甯縣志彙 卷八 學校志

朱欄

泮池長十五丈五尺四寸左為凌雲橋右為登雲橋

照牆居其南長九尋三尺 舊如靈星門式康熙五十七年知縣劉如晏教諭費廷宣訓導沈紹藩改

立今

崇聖殿三楹左右列兩廡在 大成殿之東 舊志劉如晏新建

川先河後海海為水王義不先祭尊所本也祭先師之祭啓聖公此志也夫自明世宗時肇建公祠天下郡邑莫之異兼取大成殿配位之先人配焉誠得體矣考睢學毀於明末迄乎國朝殷合岳建修大成殿既成以去任未及祠也康熙初年馮令應驥孫教諭大經於明倫堂東偏附牆為祠位置失宜湫隘弗稱每舉祭趾相錯不能成禮余莅任謁廟後即欲遷建之而力有未逮城工既畢祠適就願乃借費教諭廷宣沈訓導紹藩度地於大成殿鳩工以己亥冬十一月初落成以庚子夏四月規制廓然頓改舊觀於是祀公其於先師教孝之

義庶有合焉夫古者之教人焉無事不推本於孝是故子雖齊聖不先父食大成殿即崇隆而啓聖祠或庫陋先師有靈其式憑之乎則是祠也即不傾頽已宜改作又祭法有功德於民則祀之與古之鄉先生歿而可祭於社者明成化中定其祠名曰名宦鄉賢祠建於學附祭上丁亦通天下郡邑莫之異其祭以丁謂斯二者所行皆聖人之道耳雖附祭而非從祀義不當在兩廡雖一定之祠列於東西廡末若以為遊聖人之門則借若以為爲遵一制則藪在借與藝固宜釐定故因啓聖祠之建併建兩祠因記啓聖祠之成附記兩祠董其役者縣尉魯嗣淵邑太學生朱英燦李克纘王承謨

明倫堂五間在 大成殿之後

東楹列 卧碑

福神祠在明倫堂東南

師範祠在明倫堂東南

祀教諭吳遇進胡光聯狄鴻翔  
金南金尹高佑訓導姚坦魯常

光緒睢甯縣志彙 卷八 學校志

宰牲房在師範祠之東

文昌宮在崇聖祠之南

孝子祠在文昌殿東道光四年邑人孫廣善重修孝子祠記伏

皆旌表其閭建祠祀之以示天下為人子之道典至重也睢邑舊有孝子祠而吾祖清公與其列公諱清字廉夫邑貢生任訓導幼孤事母至孝緣前明正德六年劉賊犯境公適遭母喪水漿不入口者數日傷慈帷之恃承失痛罔極之恩難報時則毒寇蜂擁近犯城垣闔邑之人聞風遠遁而公也心如鐵石不畏疆禦悲號柩側須臾弗離至孝所感狂賊遂退寇平勝朝訪聞旌為孝子立祠祀之本末具詳邑乘府志並一統志康熙五十六年邑尊劉公建祠縣署前以上戊日與晉王元公並祀歲久傾圮吾叔學洙公等觸目傷心將議請修適邑尊廖公閱縣志具知本末親廟宇之傾頽感規撫之狹隘遂倡首捐廉更飭學洙公率族捐助移置泮宮東偏與節烈忠義兩祠鼎立自晉王休徵公後凡孝行詳載邑乘者咸成主人祠俾順德者有所憑依獲享春秋祭祀此嘉慶四年事也迄今歷年既多祠宇又壞甲申蒙邑尊金公暨懋兩



師尊飭勸修葺廣善等雖無知能奉諭感激敢不趨踰任事爰興工於仲秋遂告竣於陽月載舊規櫺略加恢擴庶幾先靈棲托不惟廣善等追念遺美不敢玷厥先人凡瞻拜祠前者咸知熙朝重人倫而敦教化鉅典煌煌孝弟之心亦可油然生矣爰勒

石以紀其事王祥明歲進士候選訓導孫清孝行劉簡魏柱祀晉睢陵侯馬宸張純廖萬國朝孝行孫以煇彭繼泰馬袁得水陳守馬宸張純廖萬國朝孝行孫以煇彭繼泰馬貴永

節烈祠在孝子祠東邑人李杰創建節烈祠記節烈於人世為

帝王編之史以傳建之坊以旌立之祠以祀無非為世道人心計深遠也皇帝御極之十有四年乙卯春徽號禮成褒旌節烈綸音屢渙會丁巳二月既望桐城注若姚夫子秉鐸吾睢下車之初即殷殷以闡揚節烈為己任加意諮訪具狀以聞吾睢地瘠而俗古載之邑乘者節婦烈女不一見而足按籍以稽夫子曰嘻有是哉婦人女子生長深閨非若士君子讀聖賢書講道德談節義而正氣懔懔為日星為河嶽足以貫金石而泣鬼神是不可無祠以祀之謀之諸生力

光緒睢甯縣志彙卷八學校志九

白邑陳侯卜地儒學垣之東建祠其側一磚一瓦一石一木一土巧一匠氏必捐之貲當其直乃已上不費於官下不役於民不彌月竣厥功使數百年既湮之節烈一旦傍宮牆而歆俎豆殆蒼蒼者憫其苦嘉其志而使之得食德於我公也豈非天哉祠創於八月九日落成九月朔位木主其中東西各設姓氏榜備載事實以資省覽勒石手署其額曰節烈祠炳炳麟麟夫子顧而樂之猗歟休哉於以仰佐聖朝風化世道人心實嘉與更始頃以未及闢大為憾然夫子之為是舉也匪棘其欲以就狹小蓋蒞任未半載即以恩蔭奉天子寵命晉秩成均諸大吏屢趣之駕恐不為之創誰有為其繼者遂毅然經厥始風雨不輟迄用有成至光大而增修則以侯後之君子夫子之德其與斯祠為不朽乎是役也庀材鳩工兼命其事於杰

忠義祠在節烈祠南舊制忠臣祠義士祠均在縣署西為道光

季杰重建忠臣祠記嘗讀唐書魏文貞公對太宗曰願俾臣為良臣勿俾臣為忠臣夫稷契咎陶龍逢比干匪異人任亦其所遭者殊耳所謂良臣者大抵皆功臣也功臣之祀止及於本代忠臣則歷百世而不易以其干城名教關於世道人

心者大也吾睢舊有忠臣祠祀元全公文瑞公於至正未以  
兵部尚書掛元師印出鎮潼關明興與太祖軍相拒戰及鼎  
革後隱於睢治黃河北之牧馬莊屢奉朝命緝訪之燧太祖  
貶危素而祀余謂之意非欲討公蓋欲用公也公堅避不出  
不以天命有歸而遂改臣節可謂忠於元者矣及成祖繼統  
謂敵明者皆元之忠臣也始寬其禁子孫遂著姓編戶為民  
嘉靖初建祠祀之後祀於水久廢康熙五十八年邑侯劉公  
修復舊典重建忠臣祠於公署之西南全氏後裔捐置祭田  
五十畝以傳永久位文瑞公於中而以正德六年七年死城  
之主簿邱紳金聲典史袁浩及本朝順治十年死城之教  
諭王相呂訓導李之實左右列主並祀嗚呼忠臣聚於一堂  
英魂不昧俎豆焄蒿之下懍懍有生氣信可為名教之干城  
劉侯不此舉其有造於世道人心者亦與是祠為不朽矣是  
可以不以不記季杰重建義士祠記義者天地之正氣人之  
為人也士未受祿故於臣稱忠於士稱義孟子曰舍生取義  
是義更重於生也夫而無他利害之心交戰於中而喪其所  
際往往貪生而悖義者無他利害之心交戰於中而喪其所  
守耳明朱君用之睢之部民也武宗時劉寇豕突江淮屠戮  
之慘所至震驚掠及睢境土城不可以守居民多踰險奔竄  
用之奮勇血戰扈送縣主眷屬出城回復鏖戰者久之賊怯

光緒睢甯縣志

卷八

學校志

十

其勇侔敗歸營探其所在時力疲息於樓上賊擁眾圍樓以  
攻用之墜樓傷足被執賊欲降之大言不屈遂見殺可謂不  
規於利不避其害者矣越百有餘年流賊猖獗屠毒中原崇  
禎甲申三月逆闖犯闕懷宗皇帝殉社稷有死州學諸生王  
台輔聞變作別言達之所知索祭具對飲自治壇於象山之  
巔臨期詣壇所懸素帛於棚上北面叩闕自縊死之台輔雖  
邳諸生固睢產也慕又在睢其風規蓋與用之殊執同途矣  
朱部民王諸生士同也朱殉城王殉主義同也朱慷慨王從  
容事異而志同也朱之事巡按御史江公以聞於朝稱其精  
忠貫日義勇超羣旌為義士命建祠祀之祠舊建於縣治大  
門內隆慶二年圯於水萬曆初縣合申公其學祀於養正社  
學而以同與難者主簿邱紳金聲典史袁浩附焉尋復久廢  
康熙戊戌邑侯劉公不忍聽其湮沒欲為建祠爰聽輿人之  
議謂主簿典史雖微固臣也當附於忠臣而以用之台輔兩  
義士並祀歲庚子祠成邱庠生王之儋為之捐置祭田五十  
畝俾後世得以永久奉祀要其建祠之大旨無非欲後人之  
聞風者頑思廉懦思

立以共相觀感云爾  
雍正九年建祀元武略將軍匡才於饒元兵部尚書全文瑞  
明義士旌表忠勇朱用之明主簿贈知縣金聲明主簿贈知

縣邱紳明典史袁浩明義士王台輔齡 國朝庠生朱鉉  
庠生魏振吉庠生胡恭人庠生傅貞默庠生王遇賢庠生全  
組庠生侯贊化庠生胡恭人庠生傅貞默庠生王遇賢庠生全  
生金雲慶國子監博士魏夢熊歲貢生蒙城訓導呂爾占庠  
李明台庠生湯孕奇庠生胡元調庠生張紀歲貢生廬州府  
教授朱廷獻國子監學錄魏甯訓導李之實庠生沙遂元義  
士杜召棠義士全廷扶監生劉錦棠武生王立功庠生陳象  
賢義士鄒鉅義勇孫枝鳳景祺朱允平武生陳廷榜呂毓  
鎧李芳彪義士劉佑培薛景岐廩貢生卽用儒學訓導張榮  
芳旌獎忠義五品頂戴朱之絳旌獎忠義捐職府知事朱大  
蘊此外忠義傳中殉難者  
極多俟立總牌一併入祀

奎樓在城東南隅嘉慶十三年教諭胡先聯重建奎樓碑記奎

餘年來科第絕響文教弛矣余秉鐸茲土懼曠厥職每訪之  
故老則云城東南隅為國初舊建奎樓之所其時邱公園  
卜鄉會連登官湖廣學道後樓廢而運遂替昔段公宰睢欲  
復其制而不果余述其事於沈明府因聚閩邑紳士為重建  
之謀眾皆曰可遂設立捐簿延請董事明府捐廉俸二十金  
為首倡閩邑踴躍爭輸共得九百餘緡復舊地而恢廓之起

光緒睢甯縣志彙卷八學校志

工於庚午二月之下旬越百餘日而告竣層樓鞏固金碧輝  
煌牆垣環繞美觀也亦盛舉也竊思神無不靈惟人自召今  
人心之奮興若此而神有一小樂為之陰相者耶且蓄深者達  
亶積厚者流光揭睢百餘年鬱塞之氣以大發其機絨庶幾  
文運昌明人材蔚起多士勉乎哉是役也凡土工木工金工  
石工及陶旌畫繪之工司會司書之事董事者各效厥職而  
余與觀厥成焉是為記

尊經閣在教諭署中

教諭署在明倫堂後計草舍十三間嘉慶十一年教諭屈文基

宗廟為先居室後之此先公後私之義也然或以官署為傳  
舍滿目蕭然其何以堪己未夏余至睢陵適聖廟已鼎新  
惟學署久未修葺黃水泛溢大雨連綿暑四圍皆水廳屋牆  
俱欲倒窗榻凋零外漏中溼未足庇身門房亦傾頽難於收  
拾竈僅蔽風雨窗戶不存是歲年荒不暇修葺辛酉春捐俸  
購料更而新之工如其價梓鬻從事閱兩月次第落成並  
增室五間其間仍以草蓋者取苟合苟完之義也聖廟明  
倫堂未加油漆則加油漆以澤之階石破碎則易之祭器壞而

不全則補之新之猶未合於會典則增之忠義節烈名宦之神位有缺而不備者照府縣志補之余官卑力薄不能大有作為惟就力之所能者行之後之茲斯士者與予同志俾歷久常新並能廓其所未修此則予之所深望也夫

訓導署在崇聖殿南計草舍十二間乾隆四十二年訓導李富

壬辰會試後奉部借補睢甯司訓是年十月抵任無齋舍可居暫居西廡時同年邑侯仲公適來官於茲土亟為籌畫謀

之本學耆儒朱子璠彭子士淇於癸巳孟春中澣鳩集邑之紳士量力勸捐錄金一百五十餘兩自九月初二日興工陸

續收用其不敷者又捐俸三十餘兩因泮宮東義學舊址建草屋二十間一切牆垣門窗榻扇另有底冊甲午暮春落成

聚族於斯凡四載越丁酉之秋將告歸旋里造具清冊二本一存縣立案一存學立案俾創垂始末按册可稽惟是土墉

茅蓋風雨易侵歲修之功後賢難緩儻或資力有餘革故鼎新易以甃瓦美輪奐而大觀瞻是又跛予望之者矣

舊志有敬一亭敦閣堂耐冷齋青雲亭今俱圯戟門外例有

園橋所謂園橋觀聽是也明倫堂兩旁有齋房以為新生肄

光緒睢甯縣志

卷八

學校志

業之區諸生月課之地睢學缺而未立仍須修建以符典禮  
學額

學籍廩膳生二十名 增廣生二十名 附學生歲科兩試額各進二十名 歲貢生每

年貢一人 拔貢生每十二年拔一人 武生歲試進十二名

書籍

御製周易折中 十二本

欽定書經彙纂 十六本

御纂詩經折中 十本

御纂春秋直解 八本

御纂周易述義 四本

性理精義 八本

學政全書 十六本

禮部則例 四套 二十四本

御製詩 乾隆 三十六本

十三經注疏 八十七本

易經 三本 書經 四本 詩經 十二本

左傳 十六本 公羊傳 六本 穀梁傳 四本

周禮 十本 儀禮 八本 禮記 十四本

孝經 一本 論語 二本 孟子 四本

爾雅 三本

光緒睢寧縣志彙 卷八 學校志

同治徐州府志 十六本

祭器

銅錫 大香爐 各一座 錫大燭臺 一對

錫簋 十六件 錫簋 十六件

錫劔 八件 錫爵 六十件

錫邊 五十六件 木豆 四十件

灰布 硃漆豆 十二件 錫豆 八件

小錫燭臺 四對 木燭臺 十七對

小錫香爐 十八件 錫酒壺 四把

鐘 鼓 各一架 黃曲柄傘 一把

掌扇

一對

大紅宮燈

四柄

茅沙斂

一件

灌壘壺

一尊

牲俎架

十七件

祭器大半係訓導丁顯敬捐添補

書院

昭義書院在東城門外廳堂號舍約百餘間

康熙五十九年與化進士孫驥桂林

書院碑記桂林書院睢陵士民為令君劉公立也睢故凋殘公視事二年大改於舊民風土俗日進醇良公清苦自持節縮所贏不為豐殖凡壇廟學宮城池倉庫公署修建聿新迄於成功而民間不知有役士民以功在社稷能為邑捍患禦災法皆得祀舉欲為公建祠公辭之再三不止至援令甲所載揭示以禁邑人謂公志在興學化民請為書院仍不許邑太學生李克紹所由作禁約篇也戊戌冬遴署邳州辭不獲己亥春移駐羊山以便兩地之民邑人乃乘其間以成書院一倡百和羣相爭先邳之士民趨義共舉刻期告成因名以公所生地兼取攀桂之意焉比公返署則規模定矣公謂邑

光緒睢甯縣志

卷八

學校志

古

人是何為者眾曰是代公為義學耳先是公以舊義學隘狹就學者眾至不能容卜建新義學於城隍廟西太學生王訥助以地屬城工浩大未及鳩工如壇廟學宮城池倉庫公署諸大建置皆非公私事公一以自任不擾於民區區書院邑人莫能成之以少紓公之心力其何以為服教之民今書院既成其為門若千間為堂若干間為齋若干間於以延師訓士視義學規模有加矣由是集民之秀者良者肄業其中教之以孝弟忠信游之以詩書禮樂俾樸魯者相觀而化焉此即為課士之所也公弗能止初康熙丁酉科驥以經義受知於公應書赴都便道走謁行其地而夜不閉戶田無曠土也問其徵而水不為災蝗不入境也除積窩則匪人斂跡決疑獄則大案潛消要皆其清心寡欲之功舉而措之耳古人有言以身教者從彼咕咕口耳之間何若親炙風裁而率循規矩乎是役也邑人士以志公之德愛公因以教其邑人於是乎相與有成而益行其政若教其於國家化民成俗之意固將推廣於無窮焉騏驎聞緒論方期修身謹行以無負乃因邑人明憾不得從諸君子游而退隨於側以共相砥礪也安儒重修睢甯書院碑記古者家有塾黨有三十年知縣嚴學何先王設教之地若是乎詳且徧也我國家右文崇儒

光緒睢甯縣志

卷八

學校志

圭

魁星像碑建亭於書院東南高阜處位置其中以符形家者言并祝以詩銘於像下復於塵埋中掘得巨石玲瓏透瘦移置書院以為文峰曰滴泉石作詩三章用東坡雪浪石韻勒石紀事

昭義書院藏書記

知縣侯紹瀛撰惟詩書可化氣質蓄道德必能文章學問經濟本非二事故處為名儒出

為名臣舉而措之裕如也國朝以四書題試士兼以經策詩賦功令所尚士之習舉業者恆致力於其中先輩由科第歷台輔致君澤民蔚為不朽之業者孰非由學校中來哉兵事與仕進之例雜用入之途廣科目之道狹而士人遂以詩書為迂學業亦浸不如古矣唯邑舊有書院規模宏整肄業士子不乏可造之才第根柢淺薄無醞釀深醇之氣是非浸淫寢饋於古籍未易明其體要也特購書若干卷藏於院中分為三類一理學一經學一舉業學者於通經之餘博覽羣籍優游涵派朝於斯夕於斯自能心通其意然後發為文章包羅宏富涵蓋萬有以進於古作者之林則賢聖且不難幾也區區科第云爾哉夫讀書致用非僅以帖括文字為弋取科名之具也久矣諸生勉旃

計書三十部

於廣立學官而外省會以暨郡邑各設有書院所以隆作養宏樂育者至矣睢甯為徐郡末邑地濱大河歲比不登士氣之未純文風之不振蓋數十年於茲矣睢地實為之守士者能貸其責乎癸未予來令茲土詢知前令桂林劉君如晏曾建書院於治後歷年久遠遂為營兵盤踞垣宇傾頽僅存廢址思有以修葺而未逮也丙戌歲太學生李文蕙因公晉謁予以修理書院相商生慨然肩為己任鳩工庀材不數月而落成基趾猶舊垣宇維新雖未敢擬紫陽鐘山猶存古者黨庠術序遺意行見人材蔚興士習純而文風振上以儆藻多士有厚望焉按書院始名桂林以知縣劉如晏桂林人誌不忘盛德也道光十年知縣劉興權視事多善政尤關心學校以桂林書院規模狹隘欲拓而大之以資鉅未果行適有紳富王雅賢朱大誥劉雅修劉保慶秦景淞張繼珩袁錫程及魏雲棹梁汝吉諸人慷慨捐貲共襄義舉兼以勸募而鳩工庀材遂移建於城東隄外經營締構道光十五年落成更名昭義此昭義書院所自昉也光緒十年知縣侯紹瀛履任志在培植人材振興科目以士子胸襟不闊由於見聞不廣置書數千卷於院中以備觀覽又以魁樓建於城東南角自書院視之乃在其西形家言巽方卑下非以振文明也爰勒

三十經注疏 一百二十本 理學宗傳 六本

性理精義 六本 二程全書 二十本

御批通鑑輯覽 八十本 朱子綱目 一百二十本

史記 二十六本 國朝駢體正宗 六本

前漢書 十六本 後漢書 十六本

胡刻文選 二十四本 古辭類纂 十六本

唐宋文醇 二十四本 梅氏叢書 二十四本

皇朝經世文編 八十本 瀛環志略 四本

國朝先正事略 二十四本 聖武記 十本

五種遺規 十二本 藍鹿洲集 二十四本

光緒睢甯縣志彙 學校志 卷八 六

胡文忠公集 三十二本 古詩箋 十二本

唐宋詩醇 二十四本 大清律例 二十四本

南河成案 四十本 事類統編 四十八本

韻府約編 二十四本 洋板字典 六本

欽定四書文 十六本



書院所儲書籍定章不得攜帶出外齋長於某人取閱某書亦須立一號簿詳細註明按期索取至遲不得過十日如果瞻狗情面紊亂舊章致有散佚定惟齋長賠償

昭義書院種樹記

邑人王佩珂撰說者謂十年之樹木不若百年之樹人是說也蓋謂木自木而人自人也

抑謂樹之者知有木而不知有人也然則種樹何為記不知興桑梓之恭知生是鄉者非無傑士過棘槐之地知立於朝者大有偉人樹木樹人無二理也惟邑城內舊有桂林書院康熙五十七年邑侯桂林劉公所建也名之曰桂林取桂林一枝之義又以誌公之盛德不能忘也迄道光十二年垣牆傾圮舍宇飄零邑侯中州劉公慨然欲復舊制鄉先生魏象衢王隸宵梁堯夫等遂殷然有同志爰改建於東門之外更名昭義鳩工庀材越三載而工始竣輝煌壯麗較舊制益大其規模廣廈萬間寒士歎顏亦固其所惟虎沙高而龍沙低故武科優而文科絀堪輿以為院東宜種楊柳者文秀之木亦取剋土之義而卒不果為者之不方抑倡者之無人也甲申春適邑侯公來宰吾睢下車伊始即隱然以先勞為

光緒睢寧縣志

卷八

學校志

已任造三月化行百廢俱興於修志建署而外復振興書院慮經費之絀於用也則詳請科租以助其膏火慮寒士之拘於墟也則多購經史以擴其見聞復於院之周圍命董種柳三百六十株種桃入十八株在公或自以為吾未能樹人聊樹木焉以寓見樹思人之意耶然當其時而若忘者情也遲久之久而彌彰者理也迨至柳垂隄而裊裊桃成蹊而灼灼士人讀書依樹欣生意之滿前撫樹敲詩喜心花之怒發行見桃李門牆盡是青雲之客柳陰路曲旋多紫綬之遊後之人以爲西京之械樸也可以爲南國之甘棠也亦奚不可者然則樹木即所以樹人而振興之與創建固同一不朽也開創者誰桂林劉公諱如晏也改建者誰中州劉公諱與權也振興者誰桂林侯公諱瀛字東洲也劉公與權與劉公如晏既同姓而桂林侯公與桂林劉公又同鄉也上下百餘年間是三公者皆有大造於睢而立三不朽者也是不可以不記光緒十一年二月既望

義學

縣城義學

設昭義書院光緒八年五月由知府會捐廉創立

高作集義學 設東圩門外玉皇閣

大李集義學 設福神祠

高興集義學 本設關帝廟旋移設東嶽廟

木社店集義學 設立公所

四鄉義學光緒八年五月由知縣黃捐廉創立

學田

池山社盛家宅學田四百八十畝 乾隆四十九年教諭袁銘訓

席原屬清苦而淮徐尤甚所恃學租贏餘稍代養廉耳惟邑  
學田如凌城社芹溝社堤頭社韓家湖等處地畝奇零其原  
設也至五分社章公李公余公三人公置學地三頃雖久荒  
初熟畝數尚自釐然惟盛家宅六段共五頃最為窪下素因  
荒廢未嘗清理乾隆四十五六兩年疊被沙淤地雖高而界  
限迷失自四十六年至四十八年祇清出三頃有零被未允

光緒睢甯縣志

卷八

學校志

夫

等隱据屢次牒查在縣朱姓族人亦彼此軋控前任隸二公  
均未及辦賴得乾隆二年府憲石太尊查報舊案其歸學原  
委暨地畝段數鑿鑿可考適西蜀鶴亭陳父台莅任茲土併  
案集訊照若然犀底裏畢現民地既歸原數而學地亦歸四  
頃九十七畝各取具遵依結狀在案憐朱允老而貧給允田  
十七畝以養餘生現存實在學田四頃八十畝整當立石界  
以杜將來侵佔之根但無以善後仍滋弊端如宿遷學地不  
下數十頃而收租寥寥卓甯學地不滿十頃而收租至四百  
餘千兩地多寡懸殊何也一則學蠹欺隱一則學蠹無權之  
故故為勒石載明段落畝數使歷久昭然可考庶奸宄不得  
肆其伎倆矣至此地租數與他處學地收租辦賦公給執事  
人役地畝等款另立印冊二本前後學地各執一冊如某學去  
任其冊固交署篆而接任責授者將前後學兩冊對驗相符  
然後收受似此則永無更易情事上不負陳父台栽培雅意  
俾皆敦崇儒行湛深經術以備 國家籲俊之選以無貽譏  
於素餐是又銘與恪所當勉亦  
後之君子所宜共勗者是為記

五分社學田三百畝

此田係康熙三十八年知縣章之瑤教諭  
李燦瑞訓導余惠公買歸學收租設立義

學於學宮之東嗣因該田卑窪歷年歉收未能延師義學房屋於雍正初年全行傾倒自乾隆三十五年該田因黃水淤墊稍可耕作各佃陸續領種薄有收成每歲租錢全為歲修學宮經費今經教諭王學易訓導丁顯於光緒十二年夏起提出租錢仍設義學於文昌宮內以復舊制永遠遵行其租錢設有贏餘仍作歲修學宮經費設遇歉歲即由學官捐俸設立

堤頭社學田三百八十畝該田分給學書轎夫傘夫打掃夫廚役值日班役

芹溝社學田九十四畝該田分給門斗八人每名十畝餘田十四畝為學書紙筆地

師村社韓家湖學田四十七畝該田分給學中贊禮生二名以作膏火

水南社魁福堂學田三十畝零係道光六年教諭狄翔鴻捐買徵租以備學中一切門扇鎖鑰

零星修理之資

凌城社學田八十二畝每年解司學租庫平銀三兩六錢隨徵耗銀三錢六分火工銀三分八釐共銀

光緒睢寧縣志彙卷八 學校志

四兩一錢九分八釐

昭義書院田畝紀略

書院基地通計四十三畝一分零對門汪南有反弓勢現又價買劉姓地二分零三毫一絲

二忽

書院基地佔地十畝零五分

南首計地四段共十一畝五分九釐九毫七絲五忽

西首地一段計七畝四分二釐五毫

東首計地二段共十三畝六分一釐六毫六絲六忽

城內縣署後舊書院地基計地十二畝五分二釐五毫

內除小汪七分五釐八毫三絲三忽又除東北汪一畝二分

五釐又除西首汪二畝二分六釐一毫八絲七忽三共除地  
四畝二分七釐零二絲外實存地八畝二分五釐四毫均係  
民租住宅

城西北隄內河外契買張俊德地二畝八分一釐二毫

水南社卓廷懋等捐地十二段計一頃六十四畝九分七釐三  
毫三絲三忽坐落城東八里大橋東北半里營北又半里

水南社張繼珩捐地六段共五十七畝五分七釐二毫八絲一  
忽坐落車家店西半里兩段西北兩段東北三里許兩段

浪子社劉保慶捐地五段共九十九畝九分九釐七毫三絲九

忽坐落劉家老莊西南一里許沙河南兩段河北三段

光緒睢甯縣志彙

卷八

學校志

三

浪子社胡淑兆捐地九段共九十九畝一分八釐二毫坐落胡

家樓東南一段門前二段宅西北三段宅東北三段

浪子社王秉鐸捐地三段共八十畝零零一釐五毫兩段坐落

王國瑞門前半里一段坐落楊家樓正北一里許

瓜蔓社張明賢捐地二段共十三畝二分坐落王官房集東北

二里許

瓜蔓社王官房集北五里餘濱河地王祥泰王彥平互控捐入

書院地共二頃零五畝零二釐八毫八絲三忽

浪子社夏瑞祥改捐地連十五段共一頃九十九畝九分九釐

零八絲四忽坐落夏家圩北地藏菴東

池山社劉蘭堂新捐地二段丈量共十一畝七分三釐四毫七絲五忽坐落夏家圩東南找溝北

凌城社秦景淞捐地一頃零一畝六分五釐九毫五絲坐落上秦家圩迤北半里餘後撥捐四十畝餘共六段

坐落上秦圩西北三里許

凌城社王偉勳改捐地五段共四十七畝零四釐九毫五絲七忽坐落鴨子汪圩西南半里許

五分社王家節捐地內有窩一座占地三畝零二釐五毫實存地四十五畝八分四釐四毫坐落湯家集東北新河北涯

五分社王夏氏捐地七十八畝零五釐四毫坐落王家樓宅東丙湯姓塋地五畝除淨

光緒睢甯縣志彙

卷八

學校志

三

高堤社宋履康捐地兩段共二十二畝三分一釐八毫七絲五忽坐落大李集西五里孔家莊西南半里餘

堤頭社袁錫桓捐地兩段共十九畝九分七釐五毫坐落魏家圩東二里

堤頭社老書院王侯祠地丈量共一頃零零七分八釐四毫三絲七忽坐落毛竹岡圩西北計四段

湖山社胡奎煥捐地三段共二十五畝坐落城西南五里胡家橋口

湖山社王增捐地兩段共二十九畝九分九釐坐落胡奎煥捐地北截頂頭

契買五分社秦景松地十八畝八分三釐三毫七絲五忽坐落城南五里堂西劉家老莊西頭

馬淺社孫芳閣捐地十二段共六十畝坐落大王集南

陶河社郭家河灘乾隆三十五年二陳互控充入老書院地三段共六十畝零一分三釐一毫八絲二忽坐落張家鋪西北二里

大村社姚家集北六里老書院濱河地三段共一頃四十四畝一分六釐三毫二絲二忽今丈出六十八畝六分八釐一毫一絲五忽少地七十五畝四分八釐二毫零七忽

白山社王鏞堂捐地十八段共二頃十七畝坐落貓墩山山後

光緒睢寧縣志彙

卷八

學校志

三

一段山東北二段洪家橋橋北五段橋南十段

浪子社地藏菴新入廟地二段共八畝二分八釐一毫坐落高作集正東七里

河南院田除夏經邦回贖一頃四十畝實存地十九頃三十四畝零五釐九毫八絲二忽書院地基與貓墩山地併在內葫蘆灣院田上中下三段共地三十二頃九十五畝餘

上段地十四頃八十七畝二分八釐九毫

中段地九頃六十二畝五分零五毫一絲

下段地八頃四十六畝零三釐三毫

校場

校場地十畝零九分三毫原業係全崑雲地光緒二十六年十二月

撥朱碩楨邵松亭鄧澤恩捐款置買地本兩段東段六畝四分二釐二毫西段六畝七分八釐一毫嗣因西段駕遠不能聯絡一氣公議以多易少更換湧蓮菴廟地四畝五分零八毫共實存地十畝零九分三毫其地在西圩門外坐落堤頭社地方